


www.BibleForChildren.org



San Juan 14



Agüiye pepiatiti. Perovia Tumpa re. Perovia vi cheré
—jei—. CheRu jo pe oime jeta o. Mbaeti yave jocorai,
amombeuta tei co pepe. Ajata ayapocavi vaera
perendara —jei Jesús chupe reta—.



Jare aja ma yave ayapocavi vaera perendara,
ayu yeta pomboresive vaera, pe reta vi peico
vaera che aicotaa pe —jei—.



Che co jae periquei Juan, Jesús re yarovia
rambue. Che vi aiporara ai pe reta rami
Tumpa iporoocuaia jeco pegua, jare

chepiaguasu pe reta
pepiaguasu rami.



Che ai ivi i mbite pe oi vae Patmos jee vae
pe aicuaa vaera Tumpa iñee Jesús etei
omombeuta cheve vae.



Jare jupiveiño Espíritu Santo chereupi jare aecha
metei guapia ara pe jare quia oguapi oi guapia pe.




Jayave opaete ara pe jare ivi pe jare ivigüi pe jare i
guasu pe ñogüinoi vae reta aendu jei:

—Toñemboeteuca guapia pe
oguari vae jare Vecha-rai
jecuaecuae aveiño. Ñamee
yasoropai tuicha chupe reta.
Togüinoi reta
opaete
mbaepuere.



Jare che etei aecha jocuae tenta oñeño tee Tumpa peguara vae - jae co Jerusalén ipiau vae - ogüeyi ou Tumpa oia güi ara güi. Oyeapocavi oi metei cuñatai oñemopora omenda vaera vae rami. Jare aendu metei ñee ara güi.




Iñeeata reve jei: —Mase, Tumpa oicoa oime ma ivi
pegua reta ndive oi. Jae oicota jae reta ndive. tvi
pegua reta yogüirecota Tumpa imbaera, jare Tumpa
oicota jae reta ndive. Tumpa eteiño oicota jae reta
iTumpara —jei—.



Jayave araigua oechauca cheve i osiri vae iquia mbae
yae vae. Jesaca yae. Vidrio echa cheve. Tecove opa
mbae vae pegua co jocuae i. Oe osiri Tumpa jare
Vecha-rai iguapia güi.



Jare tenta pegua reta mbaeti omonesesita cuarai jare yasi oesape vaera. Echa Tumpa imaemboete oesape jocuae tenta pe, jare Vecha-rai jocuae tenta pegua reta jembipe co.




Erei ngaraa etei
oi que jocuae tenta pe
oi potagüe iquía vae
jare oi potagüe pochii
vae oyapo vae jare
oi potagüe iyapu vae.
Jaeño Vecha-raí i libro
tecove opa mbae vae
pegua pe jee
oyecuatía oi vae reta
oi queta joco pe.




Jare Tumpa oyoeta opaete jesai
reta. Ngaraa ye quia omano.
Ngaraa ye quia ipiatiti. Ngaraa
ye quia oyaeo. Ngaraa ye mbae
jasi quia pe. Echa mbaembae
tenondegua vae reta mbaeti ma
—jei.



Jare ngaraa ma oi yepopeyu ivi re. Echa Tumpa jare
Vecha-rai iguapia oita joco pe. Jare Tumpa jembiócuai
reta oyeocuai chupe. Jare jae reta oechata Tumpa.
Jare güinoi retata jesiva re Tumpa jee.



Jare aecha omanogüe vae reta oñemboi ñogüinoi
Tumpa jóvai. Michi vae reta jare tuicha vae reta
oñemboi ñogüinoi joco pe. Jare oyepea oi libro reta.
Jae ramiño vi oyepea oi iru libro. Jocuae libro oicuauca
quia tecove opa mbae vae güinoi. Jare
omanogüe vae reta oñejaauca metei
ñavo oyapogüe vae rupi. Echa
metei ñavo oyapogüe
vae oyecuatía oi libro
reta pe. Jare jee
mbaeti oyecuatía
jocuae libro tecove opa
mbae vae pegua pe vae
ñavo oñemombouca tata
guasu pe.



Jare Espíritu Santo jare Vecha-rai ndive omendata
vae jei: —Eyu. Jare oendu vae tei: —Eyu. Iyúe vae
ipuere ou cuae pe. Oipotagüe vae ipuere jou i tecove
opa mbae vae pegua jepi mbae reve.



Echa Tumpa oaiu yae ivi pegua reta.
Jae rambue omee Tai jae vaeño,
oipotagüe güirovia jese vae güinoi
vaera tecove opa mbae vae.
Ngaraa ojo cañitei pe.



Romanos 3:23 Echa opaete vae iyoa vae reta co. Tumpa mbaeti ipuere jei metei ave re: “Cuae co jae jupi vae”.

Romanos 6:23 Echa mbaeyoa oyapo vae omanota co. Erei mbota Tumpa omee ñandeve ñandeYa Cristo Jesús rupi vae tecove opa mbae vae co.

Hebreos 9:27 tvi pegua ñavo omano, ou ovae yave ara omano vaera. Jare omano güire Tumpa ojaata co.

Efesios 2:8,9 Echa Tumpa ñanemboasa ipıacavi jeco pegua, yaporogütrovia rambue. Ñande mbaeti etei ñamongana ñemboasa. Jae co Tumpa ñanembopota pipe vae.

Mbaeti quia ipuere omongana ñemboasa oipotagüe mbaravıqui rupi, agüıye vaera quia ipuere jei: “Cheparavıqui rupi co amongana ñemboasa”.



Romanos 10:9,10 Nde rere yave: “Jesús co jae cheYa”,
jare rerovia yave ndepia pe Tumpa omoingove ye co
Jesús güeru omanogüe vae reta ipite güi,
reñemboasaucata co.

Echa ndepia pe rerovia yave, reñembojupiucata co, jare
rere yave: “Jesús co jae cheYa”, reñemboasaucata co.

San Juan 3:16,17 Echa Tumpa oaiu yae ivi pegua reta.
Jae rambue omee Tai jae vaeño, oipotagüe gütrovia jese
vae güinoi vaera tecove opa mbae vae. Ngaraa ojo
cañitei pe.

Tumpa ombou Tai ivi pe, ivi pegua reta oñemboasauca
vaera jae jeco pegua. Tai mbaeti ou ojaa vaera
ivi pegua reta.



1 Juan 5:11-13 Jare Tumpa omombeu ñandevera cuare: Jae omee ñandevera tecovera opa mbae vaer. Oime ñanoi cuare tecovera opa mbae vaer Tumpa Tai re yarovia rambue. Tumpa Tai güinoi ipia pe vaer oime güinoi tecovera opa mbae vaer. Tumpa Tai mbaeti güinoi ipia pe vaer mbaeti güinoi tecovera opa mbae vaer.

Pe reta perovia Tumpa Tai jee re. Jae rambue aicutia cuare peve peicuaa vaera penoi co tecovera opa mbae vaer.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Guaran Eastern NT (gui) © 2012, Wycliffe Bible
Translators, Inc. All rights reserved.

<https://www.bible.com/bible/590/MAT.1.GUI>

©2025 Bible for Children, Inc.

www.M1914.org

www.bibleforchildren.org

